

大家要多多支持



新的開始

今期係新一年度第一次會刊，初次接手感覺既新鮮又緊張，希新大家多多支持，內容雖然只是四大頁紙，但卻用上個多月去製作，另外各位有興趣參與製作的青獅，歡迎聯絡我們。

最後多謝一班青獅提供內容及相片，謝謝！

出版組
Roy
Clark

會長留言：

期待已久既本年度第一期會刊終於面世喇！在此感謝每一位出過「字」o既會員，特別係Design & Publication既chairpersons Roy同Clark，你地真係功不可沒！

希望大家能夠好好咁細閱呢份會刊，因為佢記錄左大家o既美好回憶o架！

關於母會就職典禮...

屯門大獅素來疼錫青獅，就連今次既就職典禮都邀請我o地青獅參與表演。何國材獅伯除了特別為我o地既服飾作出悉心安排，更請了排舞老師為我o地排練。而譚獅伯更加提供排舞室俾我o地練習。眼見各位大獅對今次典禮o既認真，我o地亦不敢抬慢，八位會員為o左當日既表演順利，事前亦多次遠赴元朗、香港大學等地練舞。

典禮當日見到各位會員為o左母會好落力咁表演

同理做floor management，真係好「滾動」！而典禮之後大家一齊打的落銅鑼灣食宵，呢o的開心o既回憶真係好難得呢！

2005-2006年度
屯門青年獅子會會長
陳詠筠青獅上



會長與副會長合照



青獅新星



姓名： 范少文
暱稱： 少文
興趣： 看書, 唱k, 睇dvd, 行街
生日： 9月25日
星座： 天秤座
最喜歡的食物： 奇異果
最不喜歡的食物： 榴槤
喜歡唱手： Westlife, Kylie Minogue

踏入七月份例會，好高興有新青獅加入，就是范少文青獅(少文)，今次就由Clark來同少文做個簡短訪問。

我們的少文原來真的家學淵源，家中開藥材店，年紀輕輕就對中藥很有認識，下年在城大讀中醫，推動佢讀中醫的動力源自想保護家人的健康，目標非常明確。那就祝少文學業有成，我們的member就有免費中醫啦！

其實少文好喜歡小朋友，私底下參加左兒童助養計劃。被問及最想參加的活動，她就說想去山區和一班貧困的小朋友相處一段時間，非常之有愛心。

被問到最想接受的訓練，她就說想接受Leadership訓練，對應返Leo的L 嘛。(編按:今年的training 識做啦) 最後希望少文投入青獅大家庭生活，大家要多多指教



活動消息

屯門獅子會就職典禮

今年屯門獅子會在跑馬地賽馬會會所舉行了一個就職典禮，當晚十分熱鬧，單是獅伯和嘉賓就有4圍酒席之多，還未計表演嘉賓，真是包了一個廳也嫌不夠。而我們身為屯門青獅，當然會全力幫手啦，出席人數達11人之多，除了為大會接待會員，仲表演左兩場舞蹈添!!

我們舞蹈團人材頂盛有 Angel, 阿駒, 聖姑, 依婷, Raman, Vincent 同小弟(Clark)為大會上演了一場星球大戰 同 斧頭幫。

獅伯們非常追得上潮流，星戰前傳才剛上畫不久，就排了一場星戰表演，由小弟Clark(黑武士)，Vincent(奧比溫)聯同一班青獅，轟轟烈烈的上演了一場正邪大戰。短短分半鐘，由黑武士橫行宇宙到給奧比溫打敗演繹出來。這當然是我們努力採排的成果啦。

另外斧頭幫更把我們青獅團結精神演繹出來，團員動作一致，步法穿插十分有默契，拿起斧頭時砍起來斧斧有勁，演出當然成功。不說不知，我們的伍尚駒更被舞蹈導師綵排時說跳得好好，不知佢會唔會因而愛上跳舞呢!

除了我們舞蹈團，還有Cathy, 大Tra 和observer Queenie 和 Jessica, 她們一早到場，打點一切，連晚飯都不吃! 屯門女將果然真係勁。

我們青獅有表演，大獅當然也有，獅伯們載歌載舞不在講，仲誠邀一班職業舞蹈員同年輕版劉德華一同表演，簡直嘆為觀止!(屯門女青獅仲不停讚年輕版劉德華靚仔)。



活動消息

第88屆國際獅子年會

6月23日-7月2日在香港舉行一個國際級大型會議，由國際獅子總會港澳303區主辦「第88屆國際獅子會年會」，這次盛事吸引了世界國地區獅子會會員參加，當中焦點活動「國際巡遊」於6月28日舉行，各地獅子會會員共約2萬人參加巡遊，我們母會屯門獅子會及我們屯門青年獅子會，也有參加是次活動，大家都非常開心及快樂參與巡遊。巡遊當中有舞龍，88頭醒獅、文族舞蹈等精彩表演，吸引了沿途數千市民圍觀。

最後感謝本會青獅的參予，希望大家在是次活動留下美好的快樂回憶。



咁多國家代表，大家又認唔認得出他們來自那裡呢？



青獅交接營「六國營」

一年一度青獅交接營又來到，今年主題是〈六國營〉，意思是把六個分組分為六個戰國時期國家「齊、楚、燕、韓、趙、魏」競逐各遊戲，我們第三分組「燕國」由盈盈帶領下，展開一場又一場激鬥，雖然最後勝出的雖然不是「燕國」，但我們得到比勝利更可貴的東西，就是和友會青獅們的友誼。



第三分組(主會、屯門、華都、中港、中聯葵)合照

活動消息

屯門青獅夏日特訓 I - 石澗行

早上十時許，我地一行十四人連同三位來自牛頭角循道衛理中心的社工在西貢北潭涌巴士站出發，大家一齊打的去到起步點西灣亭。一落車，就落雨，心諗，唔係咁黑仔。當時社工話如果頭上的黑雲不去，我地有好大可能需要改行程！我地屯門人更係唔會咁易放棄啦！所以我地一齊跳停雨舞，（只係跳救雨舞的相反版本）哈，果然皇天不負有心人，真係停左雨！

社工話．．由於多日大雨，所以難度提昇！！對於我地屯門會的女會員來說簡直滴汗——”

講真，雙鹿石澗其實已經不易行，仲要連日大雨，真係唔簡單！不過，屯門人會發揮大家互助互勉既精神，不斷大叫”屯門，俾心機！”屯門，做得到！等。由於，當日會長睡眠不足，但係佢都一直會捱落去！就算”雙腳插岩”都無問題！

經歷左西灣上澗，跟住係千絲瀑休息，當我地知道阿毛拿住好冰涼的西瓜，驟然覺得西瓜係人間一大極品！Yummy~~

行到大約五時許，雖然未行完，但係由於開始天黑，以安全理由要走啦．．

不過石澗之行係未完，我地一定會再撰日去多一次！Yeah!!!
撰文：許依婷青獅



屯門迎新會

本會於7月23日舉辦了第一次迎新聚會，當日有七位新人（準青獅）出席。

本會為各準青獅介紹青年獅子會的成立背景及使命，講解過去我們曾舉辦的精彩活動及服務計劃，並邀請了資深會員伍尚駒青獅及04-05年度屯門最佳青獅張婉慧青獅跟一眾參加者分享其入會經過及青獅生活中的得著。準青獅亦踴躍發問，整個迎新聚會在一片充實和快樂的氣氛中順利結束。其後會藉發展組會跟各準青獅密切聯絡，令他們有更多機會接觸及參與我們的活動。

撰文：李敬康青獅



最後由於版位有限故未能盡錄所有內容，如果大家有時間請登入本會網頁 <http://hello.to/tmleoclub> 內有最新活動消息及報告，多謝大家參閱本會刊
如果大家有料要報可以電郵給編輯部 leoreporter@ulmail.net